


CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUL 11 1941

4

T9153/8941



偶記卷四



池陽 余翹聿雲 著



禍福 八則

齒以剛亡舌以柔存常縱語老子也老萊語子思也

楚有吳禍以爭桑有齊禍以辨梧故曰害自微生

宋之盲父子得無乘城也塞上之跛父子得免戰死也此以禍為福也

李斯曰斯乃上蔡布衣上不知其駑下遂擢至此吾未知稅駕所也楊國忠曰吾本寒家一旦緣椒房至此未知稅駕所也小人死權無異猩猩死酒

商鞅之亡也欲舍客舍曰商君之法舍人無驗者坐之章惇之貶也問舍于民曰前蘇公來爲章丞相破我家不可得也可爲小人鑒也

宋子鸞且死曰願自今勿生王家越王侗且死曰願不生帝王家何長曰貴不如賤信哉

河南吳雄喪母營人所不封者擇葬其中又不問時日皆言當滅族而雄及子訢孫恭三世爲廷尉下邳趙興不卹諱忌每入官輒修繕故犯妖禁而興及子峻孫安世三葉爲司隸可破俗忌矣

周李遷哲爵安康公妾媵百數男女六十九第宅相次千餘里姬媵分處其中各有僮僕侍婢遷哲鳴笳導從往來其間縱酒歡讌子孫參見忘其年名者披簿審之唐郭子儀爵汾陽王校

中書令考二十四歲入官俸二十四萬緡宅居親仁里四分之一中通永巷家人三千相出入不知其居八子七婿皆貴諸孫數十不能盡識至問安頷之而已二人相似可謂生天之福

感應

七則

趙朔妻置兒絝中祝之而兒無聲平文皇后匿昭成帝絝中祝之而久不啼

竹燈生枝蕭子罕之孝感也枯竹生筍寇雷陽之忠感也

李善哺李續元德秀養兄子乳皆生湏誠感尤異矣

拜井而得水者漢耿恭于疏勒北齊平鑿于懷州李渾于海州今惟恭著

劉裕討盧循將濟江風急裕曰若天命助國風當自息不然覆沒何害舟移而風止王僧辨討侯景發鵲頭中江而風浪僧辨告天曰社稷中興當使風息若鼎命中淪請從此逝言訖而風止

東海孝婦冤死大旱三年于公請太守祭其冢
乃雨上虞孝婦冤死大旱二年孟嘗請太守殷
丹祭其冢乃雨陝孝婦冤死大旱經年太守呼
延謨祭其冢乃雨今人但知東海事
光武共嚴陵卧客星犯帝座桓帝對鄧萬博客
星亦犯帝座天人之際微乎淑慝之致遠矣

識兆 六則

始皇時燕人盧生奏圖錄書曰亡秦者胡乃使
蒙恬發兵擊胡而不知亡秦者胡亥也文宣時

愚僧阿禿師云阿那瓌破汝國乃討蠕蠕主阿
那瓌而不知亡齊者高阿那肱也故曰憂不在
夷狄而在腹心

紂之宮以傾名煬帝之樓以迷名天寶之曲以
破名宣和之曲以犯名其于亡國若識

漢有愁眉粧墮馬髻拆腰步齟齒笑齊有破後
帽東昏有逐鹿帽散叛髮唐有淚粧囚髻拋家
髻王蜀有危腦帽醉粧宋有上馬裙淚粧豈惟
服妖亦可爲言不從矣

王莽將敗逢萌首戴瓦盎哭于市曰新乎新乎
呂布將殺董卓有人書回字于布負而歌于市
曰布乎布乎

梁武陵王紀建元天正永豐侯蕭撫曰正之爲
一止其能久乎果一年而敗齊宣文令邢子才
字其太子殷曰正道帝曰正一止也吾兒其替
乎果不得立又蕭棟亦改元天正亦一年敗蕭
正德改元正平不逾時亦敗元順帝亡于至正
本朝二正亦俱不靖

憂筆點額而以爲當作主者熊循于孫權王曇
哲于高洋

禎孽

十一則

斬蛇而老嫗夜哭笞之不見漢高也射蛇而童
子擣藥叱之皆散宋高也

武王白魚入舟宋明于華林亦然光武流澌水
合慕容德于黎陽亦然瑞應同而隆替異豈不
在德哉

朱蒙魚鼈爲橋也阿骨打馬渡混同也天于夷

信者耳
狄乃屬意乎若廩君鹽神詰汾天女誕而不足

石勒宇文泰皆耳聞簫鼓之聲于野

石季倫衛伯玉之將及禍也飯俱化爲螺

照鏡不見其頭者其卓也殷仲文也蕭譽也石
虎也

桓玄之篡也御床陷地侯景之篡也床亦陷地
徐廣請玄立七廟玄以曾祖以上名位不顯止
立一廟王偉請景立七廟景曰前世吾不復憶

惟阿爺名標何二賊之似也

吳臨平湖開而晉滅吳陳臨平湖開而隋滅陳

李叔堅家狗作人言又戴冠而行又于竈前種
火而卒無讖芥之異龔紀家牝雞晨雊犬巾幘
而行猫拱手而人言而卒有登第之祥妖不勝
善行乎又盧光馬升廳事登牀食器無故自破
光不以介懷亦卒無事

晉孔愉封侯鑄印三鑄而龜俱左顧梁王瑩拜
儀同鑄印六鑄而龜六毀二事甚類

傳記卷四
夏禹黃龍負舟宋文黑龍負舟皆爲興祥蕭紀
黑龍負舟則爲亡徵

神怪 二十八則

在位無所發明沒而降語其家者崔協也在位
不聞議論沒而降語其婢者馬胤孫也生不能
言死而後語其鬼賢於其人矣又劉晝沒而降
語其幼女

盧克與鬼女崔氏交而生子至二千石鄭亞與
亡妻之鬼交而生子至宰相

李老君初生卽行九步一手指天一手指地曰
天上地下惟道獨尊釋迦佛初生卽行七步一
手指天一手指地曰天上天下惟我獨尊此兩
至人何其同也疑有一附會

宋岱阮瞻皆著無鬼論而皆與鬼遇

楊國忠水晶屏上美女悉下通名叱之皆復歸
屏元和初士人見古屏上婦人悉于床頭踏歌
叱之復上屏

汝南有鮑君神後鮑魚主言之始歇有李君神

後置李者言之始歇有石賢士神後遺餅毋言之始歇何汝南人易惑乎

達磨死後人見以隻履西歸宋道士邵碩死後人見以隻履縛左脚而行甚疾

劉聰豫知作遮須國王韓擒虎豫知作閻羅王李長吉將死見緋衣人曰上帝召君爲白玉樓記黃伯思將死夢人告曰上帝有命典司文翰

長弘之血化爲碧也淳于伯之血逆柱而上二丈也斛律光之血著地不滅也搏霄之殺無血

惟白氣衝天也皆寃爲之也師子尊者心道禪師之殺血皆白乳法爲之也譚氏婦血入磚不滅磨燬益顯義烈爲之也

婦人化石者禹之后也秦遺蜀之五女也武昌

山北貞婦也

婦人產蛇者竇武母劉聰妻也

鯀化黃熊禹亦爲熊望帝爲杜鵑褒君爲龍譙本爲虎封邵爲虎牛哀爲虎黃母爲龜徐伯爲魚彭生爲豕王次仲爲大鳥杜預爲蛇魚周詢

爲蛇宣武爲鼈鄧艾爲牛解奉先爲牛丁令威
蘇耽爲鶴鄭愚爲猪周穆王南征一軍君子化
爲猿鵠小人化爲沙蟲女子化爲蠶楚莊王宮
人化爲蛾僖耳有兄弟二人捕魚化爲石
唐文皇帝卧劉文靖家文靖見白龍飲池水文
皇睡覺曰夢中飲公家池水極清冷明皇常卧
崔日知宅日知見大蛇食架上藤花明皇既覺
曰夢中食藤花甚美又錢武肅王宮人見大蜥
蜴吸油明日王曰夢中食麻膏而飽

得女子于墓中而復生者魏之發周王冢也太
原之發冢也蔡仲之發李娥冢也于寶之開父
壙也元康中梁國女子也杜錫家之婢也王玄
象之發冢也

鬼女彈琴作歌者紫玉也劉惠明女也青溪小
姑也廬山夫人女婉也陳阿登也

宋元嘉中朱氏有犬歌詩曰言我不能歌聽我
歌梅花今年故復可柰汝明年何陳將亡有鳥
畫詩曰獨足上高臺茂草變爲灰欲知我家處

朱門當水開夫犬痢鷄禍能言者有矣今且能
詩異哉

南州吏亡犀簪于宮亭廟後鯉躍入舟剖之得
犀簪估客遺書刀于宮亭廟後鯉躍入舟剖之
得書刀王昌齡遺金錯刀于馬當後鯉躍入舟
剖之得金錯刀何此神慣作此伎倆

後魏天安中兖州黑螳與赤螳鬪赤螳盡斷頭
東魏武安中鄴下黃螳與黑螳鬪黃螳盡死然
則檀蘿之蠱非虛矣又草木子載岳州羣蟻自

鬪死處處成堆

國語穀洛二水鬪宋史樂平縣水鬪

符堅時見黑衣人傳赦乃蠅也黎景逸見玄衣
素襟人傳赦乃鵲也

隋文帝嗜食蛤蜊忽一蛤劈不開置几下夜有
光明日肉自脫有一佛二菩薩像唐文宗好食
蛤蜊一日有劈不開者忽變為菩薩像

永康大龜為人擔而纜舟于岸老桑呼之曰汝
必死諸葛恪敏明禍必及予明日其人獻龜煮

之不死諸葛恪曰須得老桑為薪煮之命斫老桑為薪既燃即爛燕昭王墓前斑狸欲化為書生詣張華墓前華表曰非但喪子千年之質亦當深誤老表明日詣華華疑其魅雷煥曰千年枯木照之則形見使人伐華表燃以照之書生乃是一斑狸此二事酷類

喫酒抹火者郭憲于齊也樊英樂巴于成都也邵信臣于南陽也佛圖澄于幽州也成武丁于臨武也了通于通州也

作三里霧者裴優也作五里霧者張楷也作十二里霧者元賊中道士也作三日霧者蚩尤也天師葉靜能抹龍龍移泉以報普聞禪師抹龍龍穴泉以報

秦始皇有照心鏡唐葉法善亦有照五臟鏡日林國有石鏡可鑒五臟

元遣宦者李邦寧祭孔子方就位忽大風起殿上及兩廡燭盡滅燭臺底鐵罇入地尺餘無不拔者又遣孛羅祭文信公初行禮忽狂飈旋地

起吹沙滾石捲其神主于雲霄中

數定

六則

聞警蹕聲又聞鬼呼王相而盡節梁武者范雲也入室覺有雲氣而特敬異梁武者張弘策也聞鼓角聲又見五彩光而推誠陳武者到仲舉也聞墓中鬼呼蜀王而委心王建者晉暉也魏豹聞許負言薄姬當生天子遂喜自負而不知薄姬竟歸高帝也劉焉聞相者言吳后當大貴遂爲子瑁納之而不知吳后竟歸照烈也李

守貞聞術者言其子婦符氏當爲天下母遂決計反而不知符氏竟歸世宗也

華歆嘗宿人門外主婦夜產鬼謂子當三歲又呼歆爲公也魏舒嘗詣野人主人夜產鬼謂子當十五歲呼舒爲公也竿之短修位之崇下稟命定矣內熱何爲

蔡州之戰趙昌死而甦夜聞點兵聲千人應之不及昌也成都之亂艾延祚匿積屍間夜聞唱死者名不及祚也虜人之亂施榮伏積屍間夜

傳言卷四
聞唱死者名不及榮也人固無誤死者

王烈得石髓以半與嵇康卽凝而爲石孔祐見山谷中積錢樵人取之卽成砂礫兩事清濁不同皆有定分

尉遲敬德微時許貸書生二十金後封公賜金少二十金篋底有書生券也趙雄貧時拾金一錠後拜相賜金少一錠夢庫神告曰某年相公先借用一錠也達此者可免鬼揶揄矣

容止 十五則

孔子四十九表釋迦三十二相老君七十二相垂手過膝回顧見耳者劉玄德也王衍也均爲蜀主亦異矣

目重瞳子者項羽朱友孜劉崇李煜俱無成主父入秦昭王驚之魏武捉刀虜使異之鳩而鷹眼者乎

曹操使崔琰代見匈奴使承宮使魏應代見匈奴使

鄧通相當餓死文帝不能富尉興慶相當無官

神武不能貴

袁粲曰褚淵眼多白亡宋者終此人也李師中曰王安石眼多白亂宋者必此人也

視日不眩者晉王戎隋劉炫宋蔡京

王夷甫捉玉柄麈尾與手無別梁簡文捉玉如意與手無辨

盧杞面藍而亂唐丁大全面藍而亂宋

左太冲面醜每游則羣姬共亂唾之張孟陽貌醜每行則小兒以瓦石擲之

羊祜折臂三公劉之遴折臂太守

蜀張裕覽鏡輒撲于地以其相當刑也魏夏侯覽鏡輒撲于地以其目盲也

焦僥長三尺務光長八寸張仲師長尺二寸

王恭如濯濯春月柳張緒似楊柳風流

音聲 五則

孫息援琴而晉王酸心哀涕雍門鼓琴而孟嘗

涕泣增哀劉琨吹笳而胡騎流涕歛歛劉疇吹

笳而羣胡垂泣而去河間王琛婢朝雲吹篴而

叛羗流涕乞降

師開鼓琴而知室之朝夕師曠歌風而知軍之勝負技之精也通乎天人

鍾子期伯牙之鼓琴也知其志在太山志在流水淳于髡之見梁惠王也知其志在馳逐志在音聲

閔子聞孔子鼓琴知其爲幽沉之聲孔子曰向見猫捕鼠也蔡邕聽客彈琴知其有殺心客曰向見螳螂向鳴蟬也精于音矣雖然孔子豈以

猫鼠易其聲

聞絃絕而知爲第二絃第四絃者蔡琰也聽擊

鼓知其回颿撾者王應也聽笛知其卧吹聽琵琶

知其琵琶聲多琵琶聲少者漢中王瑀也聞太常

樂而知天下相殺將盡者萬寶常也卧聽琵琶

而知煬帝必死于江都者王令言也逢車鐸知

爲宮聲振之而得鐘于地者李嗣真也聞新曲

而知有播遷之禍者讓皇帝憲也聞馬嘶而知

其主將墜聞佩聲而知其婦將離者裴知古也

傳言卷四
聞黃鐘而知其有爭者起于禁中王仁裕也聞
婦人哭聲知其有姦者于產也

飲食 十六則

著酒經者王無功也著茶經者陸鴻漸也刺史
崔喜請見無功卒于不詣御史大夫李季卿召
鴻漸煮茶挈具而往彼不負酒此爲茶玷矣
何曾著食疏崔浩著食經陸羽著茶經陸龜蒙
作茶品釋皎然著茶訣

東坡有蜜雲龍山谷有商雲龍皆茶名也

食飯而知勞薪所炊者師曠也荀勗也食而知
鹽味小生食雞而知栖恒半露食鶩而知黑白
之處符朗也

齊王好食雞跖日進雞七十楚王希聲慕梁太
祖好食雞日烹雞五十

日食萬錢何穎昌也一日之供以二萬錢爲限
敬祖也故曰貽厥孫謀可不慎哉

李德裕當食萬羊嘗夢牧羊者十數迎拜曰此
侍郎平日所食羊也杜棕爲相有人見牧羊滿

山詰之曰供相公食耳轉盼不見棕一日費嘗
萬錢德裕一杯羹至二萬錢雖云豪侈自是厚
福

茅容以蔬草食郭林宗而殺雞以奉母樂頤之
以菜俎食庾杲之而魚羹以奉母

庾杲之食惟三韭或曰誰謂庾郎貧食鮭常有
二十七種李崇食惟二韭人曰李令公食常十
八種庾貧而清李富而鄙

初尚主誤食塞鼻棗及澡豆者王敦也初娶董

注十七

馬王曰赤者勝璘曰青者勝王以火赤璘以煙青也紹璘言竟中然璘蓋做紹說耳

歐陽詢見索靖所書碑去而復返宿其傍三日不能去閻立本見張僧繇畫凡三往返宿其下十日不能去

崔延伯每臨陣先令田僧超爲壯士歌然後單馬入陣所向無前吳道玄畫天宮寺壁先令裴旻舞劍然後奮筆立成若有神助

張僧繇畫羣公祖二踈而兵士有著芒屨者閻

傳記卷四
立本畫昭君入匈奴而婦人有著帷帽者芒屨
非京華所有帷帽非漢宮所作固哉劉子玄之
論畫也

以畫受辱因而悔畫者闔立本也以茶受辱因
而毀茶者陸羽也

蕭子雲嘆曰吾惟以筆迹得名亦異事也王褒
悔恨曰假使吾不知書可不至今日耶此悔書
者也

習書畫數畝芭蕉懷素也畫數屋柿葉鄭虔也

張芝草聖崔瑗草賢

曹丕與墨誤而爲蠅王獻之墨誤而爲牛皆妙
絕

魏陽元之射王處冲之騎人固未易知也

黥布少時相者曰當刑而王及壯坐法遂封九
江王章昭達少時相者曰稍虧則貴及中流矢
眇一目遂封邵陵郡公

裴晉公狀眇小相者曰當餓死後以帶還婦人
復見相者曰前途萬里也白中令詣葫蘆生問

命殊不許後以帶還婦人復問葫蘆生曰位極人臣也

婁師德之濟江也袁客師識其爲貴人曰舟必無虞李沆之濟江也王校識其爲真相曰舟可無懼卒皆如言

晉侯病使醫緩治之夢二豎避于盲上膏下緩至曰不可爲也隋秦孝王俊病召許智藏治之夢亡妃崔氏避于靈府智藏至曰不可採也文攀以怒愈齊侯之病華佗以怒愈郡守之病

朱彥修以怒愈女子病

釋宗 十七則

佛圖澄乳下一孔以絮窒之發絮則光照一室時出腸胃滌之復納于內比丘尼浴先以刀剖腹次斷手足慧侃于窻中伸臂長數十丈神異哉

符丕相徐義爲慕容永所獲械埋其足義誦觀音經夜中土開械脫遂出奔也宋王玄謨當死因夢而誦觀音經千遍臨刑遂獲赦也北魏盧

佛記卷四
景裕繫獄誦經枷鎖自脫也是時又有人負罪
當死誦經千遍臨刑刀折遂蒙赦也以上數事
並見正史普門品所謂大威神力固自不誣又
甄玄成以誦法華經免死

盧行者擲衣鉢于石上道明提掇不動陳尊宿
掛隻履于城門黃巢令人竭力舉之不動又疏
勒獻釋迦牟尼佛袈裟猛火焚之經日不然見
北史

元嘉初道罔作普賢齋有二僧來禮佛出門飛

去孝武于中興僧房設齋有異僧預坐云住天
安言訖不見六祖生時有異僧謂其父曰兒可
名慧能言訖不知所之仰山慧寂見異僧乘空
至禮佛而談復騰雲去法現禪師逢神僧語曰
汝可名法顯因忽不見大達法師有梵僧摩其
頂曰必當大弘法教言訖而滅黃蘗禪師遊天
台逢一僧同渡履波若平地因忽不見豐干入
五臺逢一老問莫文殊麼曰豈可有二文殊忽
然不見智巖禪師見異僧謂曰宜加精進言訖

不見

虎嚙柵脫之者開達也手摩虎顱者耆域也喫杖爲虎者普聞也叱虎爲馭者黃衣和尚也以錫杖解虎鬪者僧稠也空如禪師也格虎救鹿者無了禪師也羣虎就食者明淨也虎爲跑泉者性空也二虎侍側者善覺也法聰也扣水澡光古佛也三虎侍側者慧忠也跨虎而遊者牧庵也虎載迎還者志逢也

達磨弟子道副得其皮尼總持得其肉道育得

其骨慧可得其髓懷讓弟子常浩得其眉智達得其眼坦然得其耳神照得其鼻嚴峻得其舌道一得其心得髓爲二祖得心爲馬祖

道信禮三祖乞與解脫法曰誰縛汝道悟問石頭如何是解脫師曰誰縛汝僧問慧海禪師云何即得解脫師曰本無縛不用求解

僧問如何是祖師西來意趙州再說庭前栢樹子李相公問如何是祖師西來意審承禪師三指庭前栢樹

五祖謂慧能曰逢懷即止遇會且藏能遂隱懷
集四會之間素禪師謂道欽曰乘流而行逢徑
即止欽遂駐錫于徑山六祖謂道明曰逢袁可
止遇蒙即居明遂往袁州蒙山韜光之師曰遇
天可前逢巢即止光遂任巢溝塢而友樂天
四祖問法融端坐作甚麼曰觀心曰觀是何人心
是何物師作禮崛多三藏問五臺僧孤坐何爲
曰觀靜曰觀者何人靜者何物僧作禮

李刺史問藥山何姓曰正是時李問院主主曰

祇是姓韓山聞曰若六月對他便道姓熱也巖

頭舉拳示講僧曰是甚麼教曰是權教頭曰苦

哉我若展脚你不可道是脚教也守遂禪師曰

二老宿當時若無後語達磨一宗掃土而盡

僧問馬祖離四句絕百非師云今日勞倦不能

爲汝說又往問智藏如前藏云今日頭昏不能

爲汝說龍牙問翠微如何是祖師西來意微云

與我拿過禪板來得板便打牙云打則任打要

且無西來意又問臨濟如前濟云與我拿過蒲

團來按得亦打牙云打則任打要且無西來意
風吹殿鈴僧伽難提問伽耶舍多曰鈴鳴耶風
鳴耶舍多曰非風鈴鳴我心鳴耳風颺刹幡一
僧曰風動六祖曰風幡非動動自心耳

相國裴休拓一尊佛請黃蘗禪師安名師召曰
裴休公應諾師曰與汝安名竟刺史陸亘問南
泉瓶中養鶯鶯漸長大作麼生出得師召大夫
公應諾師曰出也相公于頓問道通禪師如何
是佛師喚公公應諾師曰更莫別求左丞范仲

謂圓通禪師曰某墮在金紫行中去此事稍遠
通呼內翰公應諾通曰何遠之有

李文公問藥山如何是黑風吹船漂墮羅刹鬼
國師曰李翱小子問此何爲公怒形于色師曰
這便是黑風吹船漂墮羅刹鬼國傳燈錄載于
頓與道通亦有此問荅一事兩記耳

殃崛摩羅尊者先欲殺佛後投佛出家志徹禪
師先欲殺六祖後從六祖得法

面壁人知有達磨而不知有魯祖寶雲魯祖在

仙跡卷四
二十四
吾池池在昔禪宗頗盛有南泉普願杉山智堅
和龍守訥及魯祖教禪師近代罕聞矣

仙跡 四則

王母之桃三千年開花三千年結子東方朔已
三偷之聲風之木五千年一汗萬歲不枯東方
朔已三見其枯伏羲之龜二千歲一出頭黃安
已五見其出頭

唐太和中周生者取月置懷出以照人宋有
桂林韓生取月入籃出以照人

黃梁夢一曰雲房于純陽一曰呂翁于盧生
有鳥有鳥丁令威去家千年今始歸城郭如故
人民非何不學仙冢纍纍此遼東事也城郭是
人民非三百甲子一來歸我是蘇耽彈我何爲
此桂陽事也皆化鶴者也

物類 二十六則

葉公驚真龍裴旻駭真虎劉累忘龍梁鴛忘虎
齊莊避當車之螳勾踐式張腹之龜
田子方隱老馬可與老老矣張孝始收狗子可

與幼幼矣

江泌不忍虱饑取著衣中查道衣不浣濯以育
蚤蝨沈倫恣蚊蚋嗜膚不肯搗箒幾于蔽也愚
矣然江泌自取蝨著衣後終身不復生虱可謂
誠格

放龜而龜中流左顧後封侯鑄印龜三鑄皆左
顧者孔愉也放龜而龜抹之江中者毛寶武昌
軍人也今直以屬寶矣

泉陽之龜見夢于宋元王高陸之龜見夢于符

聖廟丞高虜宋以興符以敗

信佛法祭祀不宰割者梁武也齊文宣也文宣
殘酷而有此殊可駭

昔一沙彌侍尊宿尊宿知其命盡七日既而不
然入三昧勘之則沙彌見羣蟻困水作橋渡之
由此高壽又宋郊宋祁亦有渡蟻事又董昭之
抹蟻蟻後穴獄出之

啣珠以報者隋侯之蛇噲參之鶴昆明池之魚
信陵君捕殺鳩之鷄得三百餘自案問之一鷄

備言卷四
低頭不敢仰視乃殺之而縱其餘童恢捕殺人
之虎得二焉恢自祝之一虎低頭震懼卽殺之
而釋其一

韓愈在潮州爲文祭鱷魚遂不爲害陳堯佐在
潮州亦捕得殺人鱷魚爲文示諸市而烹之
蘇武自匈奴還郝經自宋還皆以鴈足帛書然
武也詭言之經也實有之其繫書詩曰霜落風
高恣所如歸期回首是春初上林天子援弓繳
窮海纍臣有帛書

隋李士謙家犬生子交相乳唐北平王家猫生
子交相乳隋郭世儁家犬豕交相乳

南蠻之先乃帝以女配犬而生者也高車之先
乃單于以女配狼而生者也突厥之先乃小兒
與牝狼合而生者也

以縷繫燕足者姚玉京也一云霸城王整之姊
江陵李姥浦梁元帝荊州高齋會稽徑山潼川
護聖寺皆無蚊孫謙夏無幃帳而夜卧無蚊盛
德所感也馬自然泊舟之處至今無蚊仙術所

致也

王克將殺羊宴客羊投一客跪拜王固使魏請
停殺一羊羊亦于固前跪拜

明皇之象怒目安祿山昭宗之猴奮擊朱全忠
人固弗若矣

韋臯之鸚鵡能念佛及死焚之得舍利十餘粒
開元菩提寺有長生豬及死焚之得舍利十餘
粒

戴良母王仲宣皆好驢鳴若宋范廷召則最不

喜驢鳴聞必殺之人情不同如此

討蝗不勝者劉聰之斬準苻堅之劉蘭勝者姚
崇

趙高以鹿爲馬蔡京以兩首龜爲象罔

北齊幼主號馬逍遙郡君北漢主崇號馬自在
將軍可爲的對

日南有果下牛樂浪有果下馬

儵魚食之已憂𧄸𧄸食之亦已憂黃鳥食之不
妬類獸食之亦不妬鮪魚食之已狂鯨魚食之

不驕

象膽隨四時所在四腿春前左夏前右秋後左冬後右蝮蛇膽上旬近頭中旬在心下旬近尾

古蹟 八則

廣州有貪泉飲者輒貪日南有淫泉飲者輒淫又一國有狂泉飲者無不狂今此三泉幾遍宇內

并州有香水吳故宮西施浴處魏武陵中亦有香水

西海有浮玉山山下有水波灌而火不滅名曰陰火蜀有火井其泉可爇吳楊林江中水出火可以然此理殊不可曉

生空桑者伊尹也孔子也空桑地名耳

劉宋陳慶立砦梅根齊武帝詩曰昔經樊鄧役阻潮梅根渚劉文房詩曰空山梅冶烟孟浩然詩曰水溢梅根冶按梅根在吾郡下五十里江濱在古甚著而今湮沒甚矣

宋書劉胡率輕舸由鵲頭內路欲攻錢溪梁書

王僧辨發鵲頭中江而風浪陳書周文育爲軍
鋒平鵲頭城按鵲頭卽吾邑銅陵也邑北有鵲
頭山臨江亘十里六朝時爲雄鎮今則土人亦
不知山爲何名矣吾邑今以五松銅官爲號不
若鵲頭爲古

高柔謂鄉里曰陳留四戰之地願與諸君避之
荀彧謂父老曰潁川四戰之地宜亟去之

關壯繆封漢壽亭侯同時曾真封靈壽亭侯文
聘封延壽亭侯于圭封益壽亭侯漢壽靈壽等

皆地名也侯制有縣有鄉有亭今俗謂壯繆爲
壽亭侯謬甚矣漢壽在蜀費禕死處也曹操表
封壯繆漢壽爲先主帝蜀之兆

瑩兆 八則

揚王孫報祁侯書趙文楚遺子孫勅沐德信常
敬遠戒子語玄晏先生篤終論達哉

景帝殺臨江閔王燕數萬銜土置冢上王莽掘
丁姬冢燕數千銜土投穿中

東平王冢上松栢皆西靡岳武穆墓上樹枝皆

南何

霍去病冢像祁連山李靖冢像鐵山積石山思
摩冢像白道山李世勣冢像高麗三山皆售功
也

吳人發長沙王冢貌如生後見吳綱曰甚類長
沙王也盜發鄱陽王冢貌如生後見蕭穎士曰
甚類鄱陽王也集異記謂人之紹續或三五世
有肖其祖者理有之

得石槨銘者飛燕也衛靈也滕公也

梁國兒作壽冢將妻妾入冢飲讌酒酣升靈牀
而歌司空圖豫爲冢勝日引客入壙中酌酒賦
詩

曹操死作疑冢慕容德死爲十餘棺分出潛葬
高澄虛葬獻武於漳水西潛爲石穴藏柩殺其
群匠

偶記四卷全



